

四庫全書

史部

欽定四庫全書

蠶書卷七

唐 樊綽 撰

雲南管内物產第七

從曲靖州已南滇池已西土俗唯業水田種麻豆黍稷  
不過町疇水田每年一熟從八月穫稻至十一月十二  
月之交便於稻田種大麥三月四月即熟收大麥後還  
種粳稻小麥即於岡陵種之十二月下旬已抽節如三  
月小麥與大麥同時收刈其小麥麪軟沉少味大麥多

以為麩別無他用醞酒以稻米為麩者酒味酸敗每耕田用三尺犂格長丈餘兩牛相去七八尺一一人前牽牛一一人持按犂轅一一人秉耒蠶治山田殊為精好悉被城鎮蠶將差蠶官遍令監守催促如監守蠶乞酒飯者察之杖下捶死每一一人佃疆畛連延或三十里澆田皆用源泉水旱無損收刈已畢官蠶據佃人家口數目支給禾稻其餘悉輸官

蠶地無桑悉養柘蠶遠樹村邑人家柘林多者數頃聳

幹數丈三月初蠶已生三月中蠶出抽絲法稍異中土  
精者為紡絲綾亦織為錦及絹其紡絲入朱紫以為上  
服錦文頗有密緻奇采蠶及家口悉不許為衣服其絹  
極麗原細入色案原細二字未詳製如衾被庶賤男女許以披  
之亦有刺繡蠶王并清平官禮衣悉服錦繡皆上綴波  
羅皮南蠶呼大蟲為波羅密俗不解織綾羅自太和三年蠶賊寇  
西川虜掠巧兒及女工非少如今悉解織綾羅也

自銀生城柘南城尋傳祁鮮已西蕃蠶種並不養蠶唯

收婆羅樹子破其殼中白如柳絮組織為方幅裁之籠頭男子婦女通服之驃國彌臣諾悉皆披羅段

其鹽出處甚多煎煮則少安寧城中皆石鹽井深八十尺城外又有四井勸百姓自煎天寶八載玄宗委特進何履光統領十道兵馬從安南進軍伐蠻國十載已收復安寧城并馬援銅柱本定疆界在安寧去交趾四十日程安寧郡也何履光本是邕管貴州人舊嘗任交容廣三州節度天寶十五載方收蠻王所坐大和城之

次屬安祿山造逆奉玄宗詔旨將兵赴西川遂寢其收

復

案此條乃叙次鹽井所在其天寶八載以下一百十四字於上下語意不相屬疑亦他處之文因安寧城

而錯誤在此

升麻通海已來諸蠻蠶皆食安寧井鹽唯有覽

賤城內郎井鹽潔白味美惟南詔一家所食取足外輒移竈緘閉其井瀘南有美井鹽河賤白崖雲南已來供食昆明城有大鹽池北陷吐蕃蕃中不解煮法以鹹池水沃柴上以火焚柴成炭即於炭上掠取鹽也貞元十年春南詔收昆明城今鹽池屬南詔蠻官煮之如漢法

也東鹽磨些鹽諸蕃部落共食龍怯河水中有鹽井兩  
所飲尋東南有傍彌潛井沙追井西北有若耶井諱溺  
井劔川有細諾鄧井麗水城有羅苴井長傍諸山皆有  
鹽井當土諸蠻自食無權稅鹽法煮鹽咸有法令顆鹽  
每顆約一兩二兩有交易即以顆計之

茶出銀生城界諸山散收無採造法蒙舍蠻以椒薑桂  
和烹而飲之

荔枝檳榔訶黎勒椰子枕榔等諸樹永昌麗水長傍金

山並有之

甘橋大釐城有之其味酸寧賤有橋大如覆杯

案橋疑橋字之訛

麗水城又出波羅蜜果大者若漢城甜瓜引蔓如蘿蔔十一月十二月熟皮如蓮房子處割之色微紅似甜瓜香可食或云此即思難也南蠻以此果為珍好祿旱江左右亦有波羅蜜果樹高數十丈大數圍生子味極酸蒙舍永昌亦有此果大如甜瓜小者似橙柚割食不酸即無香味土俗或呼為長傍果或呼為思漏果亦呼思



難果其次有雄黃蒙舍川所出

青木香永昌出其山多青木香山在永昌南三日程

護歌諾木麗水山谷出大者如臂小者如三指割之色如黃蘗土人及賧蠻皆寸截之丈夫婦女久患腰腳者浸酒服之立見効驗

藤蒲生永昌河賧緣彼處無竹根以藤漬經數月色光

赤彼土尚之

案此條文義未明疑有訛脫

孟灘竹長傍出其竹節度三尺柔細可為索亦以皮為

麻

野桑木永昌巴西諸山谷有之生於石上及時月擇可  
為弓材者先截其上然後中割之兩向屈令至地候木  
性定斷取為弓不施筋漆而勁利過於筋弓蠻中謂之

臙弓者是也

案新唐書南  
詔傳作臙弓

生金出金山及長傍諸山藤充北金寶山土人取法春  
冬間先於山上掘坑深丈餘闊數十步夏月水潦降時  
添其泥土入坑即於添土之所沙石中披揀有得片塊

大者重一觔或至二觔小者三兩五兩價貴於麤金數倍然以鑿法嚴峻納官十分之七八其餘許歸私如不輸官許遞相告麤金出麗水盛沙淘汰取之沙賤法男女犯罪多送麗水淘金長傍川界三面山並出金部落百姓悉納金無別稅役征徭

銀會同川銀山出錫瑟瑟山中出禁戢甚嚴

琥珀永昌城界西去十八日程琥珀山掘之去松林甚遠片塊大重二十餘斤貞元十年南詔蒙異牟尋進獻

一塊大者重二十六斤當日以為罕有也

馬出越賧川東面一帶崗西向地勢漸下乍起伏如畦畛者有泉地美草宜馬初生如羊羔一年後紐莎為攏頭縻繫之三年內飼以米清粥汁四五年稍大六七年方成就尾高尤善馳驟日行數百里本種多驄故代稱越賧驄近年以白為良藤充及申賧亦出馬次賧滇池尤佳東爨烏蠻中亦有馬比於越賧皆少一切野放不置槽枥唯陽苴畔及大釐登川各有槽枥餵馬數百匹

犀出越賤高麗其人以陷竄取之每殺之時天雨震雷  
暴作尋傳川界殼弄川界亦出犀皮蠻排甲并馬統備  
案新唐書  
作統倫 馬騎甲仗多用犀革亦雜用牛皮負排羅苴  
已下未得繫金佉苴者悉用犀革為佉苴皆朱漆之

大蟲南詔所披皮赤黑文深炳然可愛云大蟲在高山  
窮谷者則佳如在平川文淺不任用

麝香出永昌及南詔諸山土人皆以易交貨幣

沙牛雲南及西蠻故地並只生沙牛俱緣地多瘴草深

肥牛更蕃生犢子天寶中一家便有數十頭通海已南  
多野水牛或一千二千為羣彌諾江巴西出犛牛開南  
已南養處大於水牛一家數頭養之代牛耕也

鹿傍西洱沙諸山皆有鹿龍尾城東北息龍山南詔養  
鹿處要則取之覽賤有織和川及鹿川龍足鹿白晝三  
十五十羣行齧草

鯽魚蒙舍池鯽魚大者重五斤西洱河及昆池之南接  
滇池冬月魚鴈鴨丰雉水扎鳥遍於野中水際

大雞永昌雲南出重十餘斤觜距勁利能取鸕鷀戴鵲  
鳬鵠鴈之類

象開南巴南多有之或捉得人家多養之以代耕田也  
猪羊貓犬騾驢豹兔鵝鴨諸山及人家悉有之但食之  
與中土稍異鹽不待烹熟皆半生而喫之

大羊多從西羌鐵橋接吐蕃界三千二千口將來博易  
鐸鞘狀如刀戟殘刃積年埋在高土中亦有孔穴傍透  
朱筭出麗水裝以金穹鐵蕩所指無不洞也南詔尤所

寶重以名字呼者有六一曰祿婆摩求二曰虧雲字三

曰鐸荒四曰鐸摩那五曰同鐸

案惟有五名疑闕其一

昔時越折

詔于贈有降天鐸鞘後部落破敗盛羅皮得之今南詔  
蠻王出軍手中雙執者是也貞元十年使清平官尹輔  
酋入朝獻其一

鬱刀次於鐸鞘造法用毒藥蟲魚之類又淬以白馬血  
經十數年乃用中人肌即死俗秘其法竊問得其由

南詔劍使人用劍不問貴賤劍不離身造劍法鍛生鐵



取迸汁如是者數次烹煉之劍成即以犀裝頭飾以金  
碧浪人詔能鑄劍尤精利諸部落悉不如謂之浪劍南  
詔所佩劍已傳六七代也

槍箭多用斑竹出蒙舍白崖詔南山谷心實圓緊柔細  
極力屈之不屈諸所出皆不及之

蠻書卷七

欽定四庫全書

蠻書卷八

唐 樊綽 撰

蠻夷風俗第八

其蠻丈夫一切披氍其餘衣服略與漢同唯頭囊特異耳南詔以紅綾其餘向下皆以皂綾絹其制度取一幅物近邊撮縫為角刻木如樗蒲頭實角中總髮於腦後為一髻即取頭囊都包裹頭髻上結之羽儀已下及諸動有一切房甄別者

案此句疑有訛脫

然後得頭囊若子弟及

四軍羅首已下則當額絡為一髻不得戴囊角當頂撮  
髻髻並披氍皮俗皆跣足雖清平官大軍將亦不以為  
恥曹長已下得繫金佉首案原本闕金字今據新唐書增入或有等第  
戰功褒獎得繫者不限常例

貴緋紫兩色得紫後有大功則得錦又有超等殊功者  
則得全披波羅皮其次功則胸前背後得披而闕其袖  
又以次功則胸前得披并闕其背謂之大蟲皮亦曰波  
羅皮謂腰帶曰佉首

婦人一切不施粉黛貴者以綾錦為裙襦其上仍披錦  
方幅為飾兩股辮其髮為髻髻上及耳多綴真珠金貝  
瑟瑟琥珀貴家僕女亦有裙衫常披氍毹及以繒帛韜其  
髻亦謂之頭囊

南詔有妻妾數百人總謂之詔佐清平官大軍將有妻  
妾數十人俗法處子孀婦出入不禁少年子弟暮夜遊  
行間巷吹壺盧笙或吹樹葉聲韻之中皆寄情言用相  
呼召嫁娶之夕私夫悉來相送既嫁有犯男子格殺無

罪婦人亦死或有强家富室責資財贖命者則遷徙麗水瘴地終棄之法不得再合

每年十一月一日盛會客造酒醴殺牛羊親族鄰里更相宴樂三月內作樂相慶惟務追歡戶外必設桃茱如歲旦然改年即用建寅之月其餘節日麤與漢同唯不知有寒食清明耳

每飲酒欲闌即起前席奉觴相勸有性所不能者乃至起前席扼腕的顙或挽或推情禮之中以此為重取生

鵝治如膾法方寸切之和生胡瓜及椒糗啗之謂之鵝  
闕土俗以為上味南詔家食用金銀其餘官將則用竹  
簞貴者飯以筋不匙賤者搏之而食

一尺漢一尺三寸也一千六百尺為一里漢秤一分三  
分之一帛曰冪漢四尺五寸也田曰雙漢五畝也

本土不用錢凡交易繒帛氈罽金銀瑟瑟牛羊之屬以  
繒帛冪數計之云某物色直若干冪

凡人家所居皆依傍四山上棟下宇悉與漢同惟東西

南北不取周正耳別置倉舍有欄檻腳高數丈云避田鼠也上閣如車蓋狀

西爨及白蠻死後三日內埋殯依漢法為墓稍富室廣栽杉松蒙舍及諸烏蠻不墓葬凡死後三日焚屍其餘灰燼掩以土壤唯收兩耳南詔家則貯以金瓶又重以銀為函盛之深藏別室四時將出祭之其餘家或銅瓶鐵瓶盛耳藏之也

言語音白蠻最正蒙舍蠻次之諸部落不如也但名物

或與漢不同及四聲訛重大事多不與面言必使人往

來達其詞意以此取定謂之行諾

才勾反

大蟲謂之波羅密

亦名草羅

犀謂之矣

讀如咸

帶謂之佉苴飯

謂之喻鹽謂之賓鹿謂之識牛謂之舍川謂之賤谷謂

之浪山謂之和山頂謂之葱路舞謂之伽傍加富也閣

高也諾深也苴俊也東囊謂城為弄謂竹為翦謂鹽為

昫謂地為漾謂請為數謂酸為制言語並與白蠶不同

每出軍征役每蠶各攜糧米一斛五升各攜魚脯此外



無供軍糧料者蠻軍憂糧易盡心切於戰出界後許行  
刦掠收奪州溪源百姓禾米牛羊等輩用軍之次面前  
傷刀箭許將息儻背後傷刀箭輒退者即刃其後

案此條當

在第九卷南蠻篇中  
疑傳寫者誤入於此

蠻書卷八

欽定四庫全書

蠻書卷九

唐 樊綽 撰

南蠻條教第九

南俗務田農菜圃戰鬪不分文武無雜色役每有徵發但下文書與村邑理人處尅往來月日而已其兵仗人各自賫更無官給百家已上有總佐一千人已上有理人官一人約萬家以來即制都督遞相管轄上官授與四十雙漢二頃也上戶三十雙漢一頃五十畝中戶下

戶各有差降每家有丁壯皆定為馬軍各據邑居遠近  
分為四軍以旗幟色別其東南西北每面置一將或管  
千人或五百人四軍又置一軍將統之如有賊盜入界  
即罪在所入處面將

羅苴子皆於鄉兵中試入故稱四軍苴子戴光兜鍪

新案

唐書南詔傳作戴朱鞬  
鍪光字疑朱字之訛

負犀皮銅股排跣足歷險如飛

每百人羅苴佐一人管之

負排又從羅苴中揀入無員數南詔及諸鎮大將軍起

坐不相離捍蔽者皆負排也

羽儀亦無員數皆清平官等子弟充諸蠻不與焉常在雲南王左右羽儀長帳前管係之

羽儀長八人如方內節度支衙官之屬清平官已下每入見南詔皆不得佩劍唯羽儀長得佩劍出入卧外雖不主公事最為心腹親信

其六曹長即為主外司公務六曹長六人兵曹戶曹客曹刑曹工曹會曹一如內州府六司所掌之事又有斷

事曹長推鞠盜賊軍謀曹長主陰陽占候同倫長兩人

案同倫原本訛作司  
偏今據後文改正

各有副都主月終唱

案此字未詳疑誤

諸

曹稽逋如錄事之職曹官文牒下諸城鎮皆呼主者六  
曹長有課効明著得遷補大軍將

大軍將一十二人與清平官同列每日見南詔議事出

則領要害城鎮稱節度有事跡功勞殊尤者得除授清

平官

案原本以除授為句今據唐書南詔傳大軍將出  
治軍壁稱節度次補清平官之文是除授下應有

清平官三字原本蓋因下  
條相屬而誤脫耳今增入

清平官六人每日與南詔參議境內大事其中推量一人為內算官凡有文書便代南詔判押處置有副兩員同勾當

又外算官兩人或清平官或大軍將兼領之六曹公事文書成合行下者一切是外算官與本曹出文牒行下亦無商量裁製

又有同倫判官兩人南詔有所處分輒疏記之轉付六曹近年已來南蠻更添職名不少

凡試馬軍須五次上射中片板為一次上中雙庶子

案二

字未詳

為一次上四十步外走馬撓

案此字未詳

頗柱中斛子

為一次上盤槍百轉無失為一次上能算能書為一次

上試過有優給

步卒須為五次上站蒼山頂立旗先上到旗下為一次  
上礮一丈三尺坑過為一次上急流水上浮二千尺為  
一次上弄劍為一次上負一石五斛米四十里為一次  
上已上一一試過得上次者補羅莛也

蠻王為樓及諸城鎮林邑但有空平處即立木八十尺刻其上為斛子中間以墨三寸規之名曰頗柱所試人持竹劍去頗柱四十步外走馬向前柱中斛子者上中第二規次之中第一規為下每農隙之時邑中有馬者皆騎馬於頗柱下試習

每歲十一十二月農收既畢兵曹長行文書境內諸城邑村谷各依四軍集人試槍劍甲冑腰刀悉須犀利一事闕即有罪其法一如臨敵布陣羅苴子在前以次弓



手排下以次馬軍三十騎為隊如此次第常為定制臨行交錯為犯令

每戰南詔皆遣清平官或腹心一人在軍前監視有用命不用命及功大小先後一一疏記迴具白南詔憑此為定賞罰軍將犯令皆得杖或至五十或一百更重者徙瘴地諸在職之人皆以戰功為褒貶黜陟

朝廷差使到雲南南詔迎接遠送自數年來緣邕交兩地長吏苛暴恣殺非辜致令衆蠻告冤因茲頻來

攻掠伏蒙聖心徵發大軍指揮期於尅復其容州經

管三十四羈縻州

案新唐書地理志嶺南道羈縻州九十二隸桂管者七州隸邕管者

二十六州隸安南者四十一州並無屬容管者與此稍有不合

伏請委安南大首領

為刺史武定州

案新唐書地理志武定州乃安南都護府所屬羈縻州之一

亦請

委大首領為長吏者踵前許經畧使眷顧親屬奏元

從押衙為刺史恐非穩便臣竊知故安南前節度使

趙昌相繼十三年緝理交趾至今遺愛布在耆老至

境內無事其時以都押衙杜英策為招討副使入院

判案每月料錢供給七十貫以寄客張舟為經畧判

官已後舉張舟為都護自李象古任安南經畧使案

本作李象古今考唐書李象古為安南都護以  
苛刻失衆為賊楊清所害蓋即此人今改正  
恣意

貪害遂至徵兵續又有李涿繼之誅剝  
案原本涿上

通鑑  
增入  
令生靈受害莫非長吏非人所致

鹽書卷九

欽定四庫全書

蠻書卷十

唐 樊綽 撰

南蠻疆界接連諸蕃夷國名第十

彌諾國彌臣國皆邊海國也呼其君長為壽彌諾面白而長彌臣面黑而短性恭謹每與人語向前一步一拜國無城郭彌諾王所居屋之中大柱彫刻為文飾以金銀彌臣王以木柵居海際水中以石獅子為屋四足仍以板蓋悉用香木百姓皆樓居披婆羅籠男女多好音

樂樓兩頭置鼓飲酒即擊鼓男子攜手樓中蹈舞為樂  
在蠻永昌城西南六十日程太和九年曾破其國剗金  
銀擄其族三千人配麗水淘金

驃國在蠻永昌城南七十五日程閣羅鳳所通也其國  
用銀錢以青磚為圓城周行一日程百姓盡在城內有  
十二門當國王所居門前有一大像露坐高百餘尺白  
如霜雪俗尚廉恥人性和善少言重佛法城中並無宰  
殺又多推步天文若有兩相訴訟者王即令焚香向大

像思惟其非便各引退其或有災疫及不安穩之事王  
亦焚香對大像悔過自責男子多衣白氎婦人當頂為  
高髻以金銀真珠為飾著青婆羅裙又披羅段行必持  
扇貴家婦皆三人五人在傍持扇有移信使到蠻界河

賦則以江猪白氎及琉璃罌為貿易

案罌原本作盟貿易原本作加今從

新唐書驃國傳改正

與波斯及婆羅門鄰接西去舍利城二十日

程據佛經舍利城中天竺國也近城有沙山不生草木  
恒河經云沙山中過然則驃國疑東天竺也蠻賊太和

六年劫掠驃國虜其衆三千餘人隸配拓東令之自給  
今子孫亦食魚蟲之類是其種末也咸通四年正月六  
日寅時有一胡僧裸形手持一仗束白絹進退為步在  
安南羅城南面本使蔡襲當時以弓箭當胷中此設  
法胡僧衆蠻扶舁歸營幕城內將士無不鼓譟

崑崙國正北去蠻界西洱河八十一日程出青木香檀  
香紫檀香檳榔琉璃水精蟲坯等諸香藥珍寶犀牛等  
蠻賊曾將軍馬攻之被崑崙國開路放進軍後鑿其路

通江決水淹浸進退無計餓死者萬餘不死者崑崙去其右腕放回

大秦婆羅門國界永昌北與彌諾國江西正東

案此句疑有脫

誤安西城樓接界東去蠻陽苴畔城四十日程蠻王善

之街來其國

案此八字文不相屬疑有脫誤

小婆羅門與驃國及彌臣國接界在永昌北七十四日

程俗不食牛肉預知身後事出見齒螭越諾

案此句未詳共

大耳國往來蠻夷善之信共國

案此七字文亦不屬



夜半國在蠻界蒼望城東北隔麗水城其部落婦人唯與鬼通能知吉凶禍福本土君長崇信蠻夷往往以金購之要知善惡

昆明牂牁界接麗水相近蠻賊曾攻不得至今銜恨之昆明牂牁本使臣蔡襲嘗奏請分布軍馬從黔府路入案此條之首當有脫文

女王國去蠻界鎮南節度三十餘日程其國去驩州一十日程往往與驩州百姓交易蠻賊曾將二萬人伐其

國被女王藥箭射之十不存一蠻賊迺回

水真蠟國陸真臘國與蠻鎮南相接蠻賊曾領馬軍到

海畔見蒼波汹涌悵然收軍卻回

案此篇乃載南蠻接壤之國自此以下皆

別說他事蓋附錄之文傳寫失其標目耳今各低一格以別之

咸通四年六月六日蠻賊四千餘人草賊朱道古下

二千人共棹小船數百隻收郡州

案通鑑攷異引唐實錄以郡州為交

州國史補亦同是郡州乃州名也

得安南都押衙張慶宗杜存陵武

安州刺史陳行餘

案新唐書地理志武安州屬安南都護府

以航舶戰船

十餘隻築損鹽賊船三十來隻沈溺臣九月二十一日於藤州見安南虞候史孝慈并得兵馬使徐從雅信鹽賊不解水悉皆溺死吐蕃鐵橋節度本屬吐蕃

貞元十年蒙異牟尋攻破今並屬鹽管

案吐蕃鐵橋節度以下二

十五字文義與上文不相屬疑亦他處錯簡在此

異牟尋曾詐臣事吐蕃吐蕃遂封異牟江尋西卑賤

案以下皆紀冊封南詔之事此二十字文不相屬蓋所紀冊封一事佚其前段而此條佚其後段耳今不可考姑因遣曹長段南羅各同倫判官趙伽寬等九

仍其舊

人與南詔清平官尹輔首及親信李羅札將大馬二十匹迎子弟羽儀六人沿路視事十五日至安南城使段伽諾出步軍二百隊馬軍一百隊夾道排立帶甲馬六十隊引前步槍五百人隨後去城五十里迎候十九日到曲驛鎮使楊盛出馬軍一百三十隊步軍一百七十隊夾道排立帶甲馬二百人引前步槍三百人隨後去驛一十里迎接二十一日過吹舍川首領父老百餘人蠻夷百姓數千人路傍羅列而

拜馬上送酒雲南節度將五十匹馬來迎二十三日  
到雲南城節度蒙酋物出馬軍一百隊步軍三百人  
夾道排立帶甲馬一十隊引前步槍五百人隨後去  
城一十里迎候門前父老二百餘人吐蕃封王數人  
在路迎拜是日南詔使大軍將兼戶曹長王各首來  
迎二十四日到白崖城城使尹瑳出馬軍一百隊步  
軍二百隊夾路排立引馬六十匹步槍五百人去城  
五里迎候南詔遣大軍將李鳳嵐將細馬一千匹并

伎樂來迎渠斂道中路客館館前父老二百餘人鹽  
夷百姓五六十人路迎馬前大軍將喻于儉出馬步  
軍三百隊夾路排立引馬六十匹步槍三百人去城  
五里迎候南詔妹李波羅諾將細馬一十匹來迎入  
龍尾城客館南詔異牟尋叔父阿思將大馬二百匹  
來迎二十六日過大和城南詔異牟尋從父兄蒙細  
羅勿

案羅勿原本作四句  
今據新唐書改正

及清平官李異榜大軍將

李千傍等將細馬六十匹來迎皆金鍍玉珂拂髦振

鐸

案振原本作根今據新唐書改正

夾路馬步軍排隊二十餘里南

詔蒙異牟尋出陽苴咩城五里迎先飾大象一十二

頭引前以次馬軍隊以次伎樂隊以次子弟持斧鉞

南詔異牟尋衣金甲披大蟲皮執雙鐸男蒙閣勸在

傍步槍千餘人隨後馬上祇揖而退

原

日授冊

原

貞

元十年十月二十七日陽苴咩城具儀注設位旌節

當庭東西特立南詔異牟尋及清平官已下各具儀

禮面北序立宣慰南詔使南向立冊立南詔使南向

立宣勅書讀冊文訖

案此條冊字原本俱訛作開今據文改正

相者引南

詔蒙異牟尋離位授冊次受貞元十年曆日南詔及

清平官已下稽顙再拜手舞足蹈慶退而言牟尋曾

祖父開元中冊雲南王祖父天寶中又蒙冊襲雲南

王自隔大國向五十年貞元中皇帝聖明念錄微効

今又賜禮命復覩漢儀對揚天休實感心肺其日樓

下大會又坐上割牲用銀平脫馬頭盤二面牟尋曰

此是天寶初先人任鴻臚少卿宿衛時

案衛上原脫宿字今補入



開元皇帝所賜此寶藏不敢用得至今又伎樂中有  
老人吹笛婦人唱歌各年近七十餘年尋指之曰先  
人歸蕃來國開元皇帝賜胡部及龜茲音樂各兩部  
今死亡零落盡只餘此二人在國酒既行年尋自捧  
杯擎跪勸讓冊立使袁滋引杯灑酒曰南詔當深思  
祖宗緒業堅守誠信為西南藩屏使後嗣有以傳繼  
也異牟尋噓嘻曰敢不承命其年十一月七日事畢  
發陽苴咩城雲南王蒙異牟尋以清平官尹輔酋十

七人奉表謝恩進納吐蕃贊普鍾印一面

案通鑑吐蕃謂弟為

鍾南詔服吐蕃時封為贊普鍾日東王

並獻鐸鞘浪川劍生金瑟瑟牛

黃琥珀白氎紡絲象牙犀角越賧馬統備甲馬并甲

文金皆方土所貴之物也仍令大軍將王各置柘東

副使杜伽諾具牛羊領驛馬及丁夫三百人提荷食

物其年十一月二十四日送至石門從石門更十日

程到茂州自後南蠻移心向化遂與吐蕃讎隙

伏緣數年之間當州鎮釐革南詔入朝人數縱有經

過者郵傳殘薄兼緣安南大中年

案原本作大中  
今據唐書及通鑑

宣宗大中年十三年杜悰為西川節度使奏請節減南  
蠻習學子弟及入貢徠從人數南詔起自是頗擾邊  
境書中所說當指此事年  
字蓋年字之訛謹改正奏請隔絕南詔往來通好

謹按尚書云撫我則后虐我則讎本使蔡襲去年正月十四日內四度中矢石家口并元隨七十餘人悉殞於賊所臣長男韜及奴婢一十四口並陷蠻陬臣夙夜憂憶本使蔡襲行坐痛心切以蠻賊尚據安南今江源并諸州各自固守其首領將吏去年春夏頻

請救兵自是海門

案安南既陷以海門鎮為行交州

不與發遣并不

給與戈甲弓弩致令蠻賊侵掠州軍臣以南蠻從古

及今凡虜掠諸處百姓夷獠隸他處則貴江源首領

已下知其配隸之事固惜副卿必合戮力齊心共禦

蠻夷之殘暴

案臣以下五十一字文義未詳且不相屬常有脫誤

又黔涇巴夏四苗邑衆咸通三年春三月八日因入

賊朱道古營柵竟日與蠻賊將大羌楊阿觸楊酋盛

柘東判官楊忠義話得百姓立邊城自為一國之由

祖乃盤瓠之後其蠻賊楊羌等云綻盤古之後

案綻字有

訛此時緣單車問罪莫能若事

案若字有訛

咸通五年六

月左授夔州都督府長史問蠻夷巴夏四邑根源悉

以錄之寄安南諸大首領詳錄於此為蠻志一十卷

事庶知南蠻首末之序

案以下六條又附錄中旁及之文今再低一格以別之

謹按後漢南蠻傳昔高辛氏有戎寇吳將軍為患

其侵暴乃下勅曰有人得戎寇吳將軍頭者賜金

百鎰封邑萬家妻以少女時帝有犬名盤瓠後遂

之寇所因嚙得吳將軍頭來其寇遂平帝大喜因以官爵賚賜犬不起帝少女聞之奏曰皇帝信不可失深憂犬之為患帝曰當殺之女曰殺有功之犬失天下之信矣帝曰善乎因請匹之帝不得已乃以配盤瓠盤瓠得女負入南山處於石室其處險阻不通人跡後生十二子六男六女自相匹偶緝以草木皮為衣服帝賜以南山仍起高欄為居止之其後滋蔓自為一國

案此文與今後漢書南蠻傳不同

按王

通明廣異記云高辛時人家生一犬初如小特主怪之棄於道下七日不死禽獸乳之其形繼日而大主人復收之當初棄道下之時以盤盛葉覆之因以為瑞遂獻於帝以盤瓠為名也後立功嚙得戎寇吳將軍頭帝妻以公主封盤瓠為定邊侯公主分媿七塊肉割之有七男長大各認一姓今巴東姓田雷再向蒙旻叔孫氏也其後苗裔熾盛從黔南逾昆湘高麗之地自為一國幽王為犬戎所

殺即其後也盤瓠皮骨今見在黔中田雷等家時祀之

巴中有大宗廩君之後也漢書巴郡本有四姓巴氏繁氏陳氏鄭氏皆出於武落鍾離山其山黑赤二穴巴氏之子生於赤穴繁陳鄭三姓生於黑穴未有君長俱事鬼乃共擲劍於石穴約能中者奉以為君巴氏子務相獨中之又令乘土船下夷水到鹽陽約能浮者為君務相獨浮因立務相為君



也遂有神女謂廩君曰此地廣大魚鹽所出請為  
留之廩君不許神女暮來取宿晨則化為飛蟲羣  
蔽日月天地晦冥積十餘日廩君伺其便射之天  
乃開朗廩君方定居於夷水三姓皆臣事之廩君  
死魂魄化為白虎及惠王并巴蜀以巴夷為蠻夷  
君尚女其人有罪得以爵除出賦二千一十六百  
萬錢三歲一出義賦一千八百錢人出幃布八丈  
二尺雞羽三十鉞也

案此文與今後漢書  
南郡蠻傳稍有異同

巴氏祭其祖擊鼓而祭白虎之後也按華陽國志  
秦昭王時白虎為害多傷人乃購之曰有殺得白  
虎者封邑千家繼以金帛於是胸忍夷廖仲藥等  
以竹弩射之中而死秦遂刻石為夷人立盟曰夷  
人頃田不租十妻不算傷人不論秦犯夷輸黃龍  
一隻夷犯秦輸清酒一鍾夷人遂因號虎夷一名  
弦頭剛勇頗有先人之風

案所引華陽國志  
與今本文稍不同

按秦紀始皇十八年巴都出大人長二十五丈一

夫兩妻號曰左右也是故左思蜀都賦云剛勇生其方風謠尚其武

按夔城圖經云夷事道靈事鬼初喪輦鼓以為道哀其歌必號其衆必跳此乃盤瓠白虎之勇也俗傳正月初夜鳴鼓連腰以歌為踏蹠之戲五月十五日招命騎健畫機圖舟十船同角千人齊聲唱歌扣舷沿江騰波而下俗三月八日為大節以陳祠享振鐸擊鼓師舞為敬也

夷蠻居山谷

蠻即蠻之別名

巴夏居城郭與中土風俗禮

樂不同

雲南詔蒙異年尋與中國誓文臣今錄白進獻

貞元十年歲次甲戌正月乙亥五月己卯雲南詔異

年尋及清平官大軍將與劍南西川節度使崔佐時

案崔佐時乃常臯所遣西川節度巡官不可直稱節度使疑有脫文謹詣站蒼山北上

請天地水三官五嶽四瀆及管川谷諸神靈同請降

臨永為證據念異年尋乃祖乃父忠赤附漢去天寶

九載被姚川都督張乾陁等離間部落因此與漢阻  
絕經今四十三年與吐蕃洽和為兄弟之國吐蕃贊  
普冊年尋為日東王亦無二心亦無二志去貞元四  
年奉劍南節度使韋臯僕射書具陳漢皇帝聖明懷  
柔好生之德七年又蒙遣使段忠義等招諭兼送皇  
帝勅書遂與清平官大軍將大首領等密圖大計誠  
矢天地發於禎祥所管部落誓心如一去年四月十  
三日差趙莫羅眉揚大和眉等賁僕射來書三路獻

表願歸清化誓為漢臣啓告祖宗明神鑒照忠款今  
再蒙皇帝蒙劍南西川節度使韋臯僕射遣巡官崔  
佐時傳語牟尋等契誠誓無遷變謹請西洱河玷蒼  
山神祠監盟牟尋與清平官洪驃利時大軍將段盛  
等請全部落歸附漢朝山河兩利即願牟尋清平官  
大軍將等福祚無疆子孫昌盛不絕管諸賤首領永  
無離二興兵動衆討伐吐蕃無不尅捷如會盟之後  
發起二心及與吐蕃私相會合或輒窺侵漢界內田

地即願天地神祇共降災罰宗祠殄滅部落不安災  
疾臻湊人戶流散稼穡產畜悉皆減耗如蒙漢與通  
和之後有起異心窺圖牟尋所管疆土侵害百姓致  
使部落不安及有患難不賜救卹亦請唯此誓文神  
祇共罰如蒙天漢和通之後更無異意即願大漢國  
祚長久福盛子孫天下清平永保無疆之祚漢使崔  
佐時至益州不為牟尋陳說及節度使不為奏聞牟  
尋赤心歸國之意亦願神祇降之災今年牟尋率衆官

具牢醴到西洱河奏請山川土地靈祇請漢使計會  
發動兵馬同心勸力共行討伐然土蕃神川崑崙會  
同已來不假天兵牟尋盡收復鐵橋為界歸漢舊疆  
宇謹率羣官虔誠盟誓共尅金契永為誓信其誓文  
一本請劔南節度隨表進獻一本藏於神室一本投  
西洱河一本牟尋留詔城內府庫貽誠子孫伏惟山  
川神祇同鑒誠懇

某年六月二十一日奏狀今謹錄白獻進

案後題貞元十年奏



狀而此闕其年亦  
刊削不盡之尤

東蠻和使楊傳盛等六月十八日到安南齊蠻王蒙  
異牟尋與臣絹書一封并金鏤合子一具合子有縣  
有常歸有硃蒙有金石東蠻國王是故雲南詔王閣  
羅鳳孫姓蒙名異牟尋遺前件使齋表詣闕於今月  
十八日到兼得其王牟尋與臣書遠陳誠懇并金鏤  
合子一枚其使味言送合子中有縣者以表柔服不  
敢更與為生梗有常歸者永願為內屬有硃砂者蓋

獻丹心向闕有金者言歸義之意如金之堅

又言蠻王蒙異牟尋積代唐臣徧霑皇化天寶年中  
其祖閣羅鳳被遣將張乾陀讒搆部落驚懼遂遠聖  
化北向歸投吐蕃贊普以贊普年少信任讒佞欲併  
其國蒙尋遠懷聖化北向請命故遣和使乞釋前罪  
願與部落竭誠歸附緣道遐阻伏恐和使不達故三  
道遣一道出石山從戎州路入一道出牂牁從黔府  
路入一道出夷獠從安南路入其楊傳盛等今年四

月十九日從蠻王蒙異牟尋所理大和城發六月十八日到安南府其和使楊傳盛年老染瘴瘡未得進發臣見醫療候獲稍損即差專使領赴闕庭其使云異牟尋自祖父久背國恩今者願棄豺狼之思歸聖人之德此皆陛下雨露之澤及外夷故蠻徼遐荒願為內屬臣忝領蕃鎮目覩昇平踴躍忻歡倍常萬幸有蠻王與臣書及金鏤合子等謹差十將李茂等隨表奉進謹奏貞元十年六月二十一日安南都護充

管內節度觀察處置等使檢校工部尚書御史大夫  
臣趙昌奏狀

貞元十年南詔蒙異牟尋請歸附聖唐願充內屬盟  
立誓言永為西南藩屏臣今於安南郡州溪源首領  
耆老處借得故蠻王蒙異牟尋誓文一本安南都護  
趙昌貞元十年奏狀白一本伏以故南詔蒙異牟尋  
嗣孫惠龍不守祖父留訓既違盟誓自擬禍殃尚未  
悛心猶恣狂暴全軀蟻聚之衆攻剗邕交之人五載

興兵三來虜掠顧生靈之何負受塗炭之苦幸臣去年正月二十九日已錄蠻界程途及山川城鎮六詔始末諸種名數風俗條教土宜物產六賧名號連接諸蕃共纂錄成十卷於安南郡州江口附襄州節度使押衙張守忠進獻今臣謹錄故蠻王蒙異牟尋貞元十年誓文及趙昌奏狀白隨表奉進以上

蠻書卷十